

nomine opes ex auri, argenti & æris fodinis collectas venisse. Harum autem fodinarum immensas divitias cum fama per totum ferè orbem distulerit, mirum tamen neque Historicorum neque Philosophorum quæquam modum & rationem, quæ veteres è venis illis metalla in lucem protraxerint, (nisi quod Plinius memorat veteres humeris effossa metalla extulisse fodinis, id quod etiam Historici de Americanis illis Hispanorum operariis in Peruvix ditissimis fodinis tradunt) excoxerint, purgarint, signarintque, scriptis suis prodidisse. Multò verò minus quævis eorum pulcherrimæ de metallorum generatione & natura scientiæ temporis & operæ quæquam dedit. Dignissima autem homine cura cum sit, quæ cum causis & principia rerum noscendi versat, quomodo in sinu terræ quid in corpore tale, quale est id quod metallum nominamus, concrecat, videamus.

Nimirum corporum cœlestium in hæc inferiora magnam vim esse, eaque diffundere illam etiam in subterranea nemo facile aufit negare. Quis enim in hisce operationem suam soli, quis lunæ detrahat, cum singulis metallis in eorum generatione singulos destinarit Planetas communis Philosophorum Schola, imò singula metalla nominibus insigniverit Planetarum? Quomodo autem sidera sua vi in subterranea influant, fortasse non ita facile fuerit explicare. Omissis aliorum opinionibus rectius statuere videntur, qui per aërem (Democriti enim atomos dudum cum Aristotele Peripateticorum Schola explofit) illam ad loca subterranea volunt deferri. Pari sanè ratione, quæ aër doctissimorum virorum iudicio ex cœli conditione vel turbatus vel placidus sese insinuat in mortalium corpora, ex quorum deinde afflatu inclusi animi inspiratos accipiunt affectus. Verùm non Planetas solum, sed & fixas stellas tam luce motuque rarefaciendo aëra, quæ vi & qualitate aliqua hominibus hætenus incognita, ac forsitan nunquam cognoscendâ in hæc inferiora agere viris doctissimis est concedendum. Nec minus his assentiendum videtur statuentibus, magnam stellas hæc fixas vim exerere planetarum potentiis in actum deducendis, cum planetæ ab his, ut foemina à viris, reddantur prægnantes,

B

gnantes,